



КОМСОМОЛ ВАЙГЯЛЬ

Сембе жасторонь пролетариятне, пуролода лавс!

ЛИСЕНЬДИ IV-це КИЗОСЬ

Мокшэрзянь ВЛКСМ-нь
обкомть и Саранскяень
горкомть газетасна

Адрессь г. Саранск, ул. Ленина 9
телефон № 1-72

22

МАРТСТА
1937 КИЗОНЯ
32 (406)

Лисеньди ковти 12-коть

АДЕЛАМС ОРГАНИЗАЦИОННАЙ СУМАТОХАТЬ

Средний школань 7-це, 8-це, 9-це и 10-це классень эса Сталинский Конституциянь тонафнеманц организовандаманц колга Молотов ялгать указанидонза меле йотась ни сатомшка лама пингта, номинь республикасонок лама школава тя пингс нинге коль сырхксихть тя пяк важнай документть тонафнеманц ушедом. Кепедьксоньди Анаюнть средний школаса тя пингс нинге мезевон аф тиендеви Конституциянь тонафнемаса, а кой-кона школатнен эса тя предметть тонафнеманц ладяф кальдявдонга-кальдявста.

Тяфтама кепедьксонц ули кода саявомс Саранскяень 12-це № средней школать, конань колга материал минь максеме „Комсомолонь вайгяльть“ йотай номерсонза. Тясаянь вастс, штоба увлекательнайста йотафнемс тя документть коряс урокнень, занятиятнен эса коськста лувончезь брошюркаста Конституциянь и Сталин ялгать Советонь Чрезвычайнай 8-це Съездса докладонц, неувязывали тя материалть кодамонок для материал марта, ашесть лувонча кодамонок для добавочнай литература. Нльне соньць преподавательскя кодамонок добавочнай литература ашезь лувонча, сяс урокне йотнесть скучнайста, тонафнихне апак заинтересовандактохть тя предметть марта.

Эряви арьсемс, што тяфтама положения ульсь аф аныцек 12-це № школаса. Сяс эряви тяникигя лятфтамс народной образованиянь районнай отделкненди и средний школань директоркненди, што эряви путомс сембе вийсь сянди, штоба тя величайшай эпохань документть тонафнеманц ладямс образцовайста. Эряви путомс тя тевти нль грамотнай преподавательхть, конат лац содасазь и торить, обществоведенихть. Эряви занятиятнен ладямс стая, штоба тонафнихне уделхть заинтересованнайхть тя предметть марта. Тянкса эряви конкретнай живой пример лангса азондомс тонафнихненди кода эрьсесть рабочайхне, крестьянне и трудовой интеллигенциясь минь странасонок инголи, кода синь эрийхть тани капиталистический странатнен эзга, кода сатнесть неизбемай праватне, конат съормадфт Сталинский Конституциянь эс.

Надежда Константиновна Крупская ялгась эсь статьясонза тянь колга съормадсь:

„Аш кода цебарьста няфтемс

Сталинский Конституциянь значения, кла аф няфцайть тонафнихненди пестасес минь Советонь странасонок общественной укладть соньцень основанзон ламода полафтомаснон, кла аф няфцайть стака промышленность развитиянь, коллективизациянь, производствань средствнень обобществлениясь вельдя велень хозяйствать одукс тиemanц пяк оцю значенияснон. Аш кода ня кизефксенень апак шарькодть няфтемс и сян, мезе стамсь плановой хозяйствась, кодама сонь значенияц и мес сонь возможнай аныцек миньценонц.“

Кодама интереснай, кельгови и увлекательнай предметокс может улемс школьникненди Конституциянь тонафнеманц, кла сон ули ладяф цебарьста, кла тонафнихненди цебарьста ули няфтьф сембе нят победатнен величиясна, конат съормадфт Конституциянь эса.

Комсомольский организациятненди и васендакигя комсомолонь райкомтненди эряви тевса улемс васень лездыкснароднай образованиянь органтненди. Но аныцек народной образованиянь органтненди и ВЛКСМ-нь комитеттненди аф ладяви цебарьста Конституциянь тонафнеманц, кла теест аф лездыхть партийнай комитеттне, кла аф улихть обеспечендафт школатне добавочнай литератураса.

Аф эряви лотксемс аныцек класснай занятиятнен лангс. Тонафнихнень марта эряви организован дакшнемс беседат сире рабочайхнен, работницатнен марта, гражданский войнань участникнен марта. Аныцек эста тонафнихне цебарьста шарьхкоцазь тя Сталинский документть величияни, кла теест ули шарьхкодевиства няфтьф проклятай проплайсь, кла теест цебарьста ули няфтьф мзяра путф вийда, мзяра мольфтьф тюремада, мзяра пярдьф верда сят пяк оцю завоеваниятнен сатомаснон инкса, конат съормадфт Сталинский Конституциянь.

Эряви тевть ладямс стая, штоба Конституциянь тонафнеманц воспитандазь минь од ломаненькен эзда мирса сембеда демократический государствань видексонь гражданинт, штоба синь эсост нинге сяда касоль любовсь эсь социалистический родинасонды и Конституциянь творедонцы Сталин ялгати.

На „отлично“ тонадсась Сталинский Конституциянь

Саранскяень фельдшерско-акушерский школаса правительственной указаниятнен получамок Сталинский Конституциянь тонафнеманц колга занятиятне ушедсть пяк активнайста и цебарьста. Слу-

шательхнен ширьде ули оцю активность и цебарь внимательность. Синь максихть лама кизефкст и внимательнайста кулцондчихть кизефксонды ответнень.

Б. И.

Комсомолецне-стахановец

Пакся Тавлань колхозса комсомолецне Водясов А. и Игнатьевсь работайхть вирень керомаса. Синь работайхть стахановецекс, нормаснон вирень жаромаса пяхкоч-

несазь 200—250 процентс.

Колхозонь правлениясь Водясов и Игнатьевть казезень кажнайть 150 цалковайхть жармакса. Ф. П. Кочкуровань р. н.

МАРТТЬ 17-це ШИСТОНЗА ТОПОДЬСЬ 50 КИЗА АЛЕКСЕЙ НИКОЛАЕВИЧ БАХ АКАДЕМИКТЬ НАУЧНАЙ ДЕЯТЕЛЬ НОСТЕНЦТЫ И 80 КИЗОТ ШАЧЕМА ШИСТОНЗА СЯВОМОК

ТОНАФНЕДА НАУКАТИ И ЭРЯФТИ!

Мялезе тячи поделиться минь советский од ломанькен марта кой-кодама мяльса. Советский Союзса научнай и технический работань перспективатне тяфтап, што фкывок капиталистический страна и арьсэмса тянь колга не может. Наукати таргавихть сембе од и од пластт алуда. Пяк лама од ломаньть, конатнен сидеста трудть коряс пяк оцюфт навикасна, пяхкодкшнесазь минь учебнай зав дияниеконь. Буржуазнай цьоратнен аннезь тонафнемса, к да ман аямса. минь уговаривали, нльне пиксезь. Минь советский од омань неке аф пичедихть „воздействиянь“ тяфгама видса. Синь синьць йорайхть постичь наукать кода можна крхканьса и к да можна ку роконы.

Мон няень лама од ломаньть, конат, улемок инь цбарь стахановецек производстваса, сика пингть и пяк цебарьста о афнихть Фкя заводса 19 рабочайхть производстваста апак аярд йотась рабфаконь курсть, а сяда меле вузгь полнай курсонц, получанда тя инженеронь лемь и работакшихть сяда тов сякажа заводса, но ни руководящай участкатнен эса Наукать и трудть йоткса минь странасонок существует пяк теснай, органический соткс.

Улемок монь оцю эряфонь и научнай опытозе, мон позволяю эстейне шарфтомс минь чудеснай од ломанькенди призыв марга: тонафнеда наукати и эряфти али, сяда видеста,—тонафнеда наукати и эряфть марта сонь взаимнай сотксонцы.

А в частности, кода „заинтересованнай“ ломанень мон йоралень ба призвать минь од ломанькен сяда цебарьста тонафнемс химиять. Тейне кажется, што химиясь—тя инь цебарь общеобразовательнай наука. Минь и ули тяса опытоныке, и наблюденияныке и теорияныке. Известнай химиксь Д. И. Менделеев ашезь уль диалектический материалистокс. Но сон ульсь кеместа убежденнай, што опытонома аш и знаниятка. Эсь знаменитай „Основы химии“ трудонц Менделеев ушедозе ведеть свойстванзон и особенностензон увлекательнайста съормадомаснон эзда. Сембе тя ульсь результатов, наблюденийтненди, конатнен эзда великай ученайсь тиендсь тяда меле выводт и теоретический обобщеният. Химиясь, тяда башка, налхки пяк оцю роль производстваса, медицинаса, оборонаса и сембе минь эряфсонок. 16. III. 37.

А. Бах.

А. Н. Бах академиксь казъф Ленинонь орденца

Тя кизонь мартть 16-це шистон-промышленностень нуждатнень обза ССР-нь Союзонь Центральной служиванияса, конац инголе ульсь Исполнительнай Комитетсь Алексей Николаевич Бах академикть казъф Трудовой Красной Знамянь ордена, 50 кизонь научнай деятельностинон топодемста казезе янь областса, сембедонга пяк Ленинонь ордена.

А. Н. БАХ АКАДЕМИКТИ

КЕЛЬГЕМА АЛЕКСЕЙ НИКОЛАЕВИЧИ

ВЛКСМ-нь Центральной Комитетсь седи вакска приветствует тонь эряфцень и научнай деятельностьнен славнай годовщиань шистонза.

Тонь эряфонь киче, ученай-революционеронь ки, тон максить наукати и трудяйхнень благаснон инкса 50 киза кувалмонь неустанный творческий трудень, служай яркай примеркс минь од ломанькенди.

ВЛКСМ-нь ЦК-сь пяк ценит од ломаньтненди тинь вниманиятнен, тинь заботливостеньтень и тинь лезксоньтень наукань од кадрань воспитанияса.

Арьсетама теенть, Алексей Николаевич, бодростень и плодотворнай творческий работань нингя лама кизот советский наукать торжестванц инкса и минь социалистический родинайкен панчфокс-панжеманц инкса.

ВЛКСМ-нь Центральной Комитетсь.

Ванондоме и кулхцондоме оцю мяльса

Мартть 18-це шиц, ляды минь нституциянь тонафнема тевса. памятьонк, кода инь павазу ши. Тя илядьть минь няеськ кинола кельгома Сталин ялгать докладонц, конань тиезе сон Советонь Чрезвычайнай 8-це съездса.

Тя кинофильмась макссь пяк оцю лезкс студентненди Сталинский Ко-

Тя картинась Сталинский эпохат инь кельговикс картинац. Сонь кармайхть оцю интереса, кода и минь, ванондомонза сембе будущей поколениятне.

И. Белов.

Фельдшерско-акушерский школа.

П. ПОСПЕЛОВ.

БУХАРИНОНЬ И РЫКОВОНЬ ТЮРЕМАСНА ЛЕНИНОНЬ И ПАРТИЯТЪ КАРШЕС

ИСТОРИЧЕСКИЙ ОБЗОР

I.

Нинге революцияда инголе Бухарин выступал Ленинон каршес пролетариатт диктатуранц колга кизефксть коряс соньцен особай линиянц марта, кона означал разрыв марксизматъ эзда. 1916-це кизоня „Интернационал молодежи“ журналса эвондась Бухаринон статья (конань ала подпись ульсь *Hota Bene*), кона направленаель Ленинон каршес. Тя статьяса Бухаринц йотафнесь полуанархистский взгляд, што социалистичне должны относиться принципиально враждебно фсякай государствати. „Социал-демократияти, кона ащи или по крайней мере должна улемс массатненди воспитательни-цакс, тьяни сяда пяк, чем мзярда либа, эряви подчеркивать государствати соньцен принципиальной враждебностенц“ — сьормадсь Бухарин. Подчеркивандакшнемом во-обще фсякай государствати принци-пиальной враждебность, Бухаринц кевярькшнесь, тьян коряс, пролетариатт диктатуранц отри-цандаманцты. Сон азончнесь (про-поведевал) анархистонь теория го-сударствать „отменанц“, „взры-вонц“ колга буржуазнай государств-веннай машинатъ „синьдемаса“ ленинский теорият вастс.

Критиковандамок Бухаринон по-луанархистонь взглядонзон, Ленин сьормадсь:

„Анархистичнесь эзда минь отличандакшнесамазь (а) государствать тьяни использовандамаса и (б) про-летариатт революциянц („про-летариатт диктатуранц“) пингста — пунктне, конат важнайхть прак-тиканди, сияк. (Синь то и юкта-зень Бухаринсь!)“¹⁾ Ленин няфне-зе, што Бухарин „каутскианецнень разоблачениясон вастс лездсь теест эсь эльбиятксонзон марта!“²⁾.

Бухарин минь партианьконь сем-бе историянц пингста тапарякш-несь (путал) политический и теор-етический. Вов мезе сьормадсь сонь колганза Ленин нинге 1916-це кизоня:

„Сон (1) верондай сплетнят-ненди и (2) политикаса дьяволь-ски аф устойчивай.“

Войнась тулхкадезе сонь по-луанархический идейтненди. Со-вещанияса, конац лифгезень бернский резолюциятнень (1915-це кизонь тундась), сон макссь те-зист (монь улихты!) — вельф не-лепайхть; срам; полуанархизм“³⁾.

1925-це кизоня Бухаринц „Ре-волюция права“ сборника пчат-лакшни статья „К теории импери-алистического государства“. Тя статьясь эсь пингстонза ульсь апак прьмак Ленинон марта „сборник социал-демократ“ — ть эса пчатла-мс. Бухарин лувозе возможнайкс, кизода Ленинон куломода меле, лисемс печатсь партиятъ великай учителенц марта отвергнутой ста-тьи марта. Нинге сяда пяк, сон тийсь статьити кошуштвен-най примечания, конань эса кор-тась, што государствать колга спорса ульсь прав сон, Бухарин, а аф Ленин.

Братский миронь пингсь (1918-це кизонь февраль — март), мзярда од, апак кемекстак, безоружнай Со-

Кода ни сембенди содаф ВКП(б) — ЦК-ть меколь-день Пленумоц йордазень партияста Бухаринон и Рыко-вонь эсь антипартийнай работаснон инкса. Штоба няф-темс комсомолецнени и сембе од ломаньтненди кода партиятъ сембе историянц пингста Бухарин и Рыков мольфтьсть вишка тюрема партиятъ и Ленинон кар-шес, минь лувонцаськ эрявиксонди максомс тя статьять.

ветский республикась каршек ват-седсь (столкнулась) пяк кеместа вооружандаф германский импери-ализматъ марта, ульсь пролетар-ский революциянц фкя инь стака моментсь. Бретский мирсь ульсь Ленинон гениальной маневракс, кона макссь возможность получамс передышка советский власть ке-мекстаманцты, революцият вору-жоннай виензон организовандамас-нонды. Бухарин и Пятаков, конат возглавляли кода теенза мярь-гонцть „левай“ коммунистонь“ фракцият, йорасть сяземс тя ле-нинский маневратъ. Синь пашкоч-несь существас коря предатель-ский роль, сряфнемом советский власть юмама „революционный войнань“ предлогть ала, кона ульсь явна безнадежнай ся усло-виятнень пингста. Синь лифнесь видексонь чудовищнай, провака-ционной резолюцият, конатнень эса корхневсь советский власть юмафтоманцты молемаць „целесо-образностенц“ колга!

Тяфта буквально и ульсь сьор-мадф Московский областной бю-роць 1918-це кизонь февральт 24-це шинь резолюциясонза:

„Международная революцият интересонзон инкса минь лу-вонцаськ целесообразнаенди модемс советский власть юма-фтомаса возможность, конац (советский власть — Ред) арси тьяни чиста формальнойкс“.

Эсь авантюристонь политикас-нон марта „левай“ коммунистич-не тьождалгофнесь империализматъ сонь задачанц — повамс од Совет-ский республикатъ. Ленин видеста няфнезе, што миронь заключанда-матъ каршес эсь тюремаснон мар-та „левай“ коммунистичне „тевса лездсь германский империалист-ичнени и шорясть Германияса ре-волюцият касоманцты и разви-тиянцты“⁴⁾.

„Левай“ коммунистичнень Лени-нон каршес тюремасна почкоч-несь тяфтама ожесточенияс, што левай эсерхне мольфть перего-ворхт Бухаринон и Пятаковонь марта прямой заговоронь колга сянкса, штоба арестовандамс Ле-нинонь и пуроптомс правительства „левай“ коммунистичнень и левай эсерхнень эзда. Совнаркомонь председателкс Ленинон вастс контрреволюционной заговорщикне йоразь путомс Пятаковонь. Левай эсерхнень марта ня преступнай переговорхнень колга фактть при-знавандакшнеше соньц Бухаринсь 1924-це кизоня (ванк 1924-це ки-зонь январьт 3-це шистонза лисьф „Правда“).

„Левай“ коммунистичне партиятъ и Ленинон каршес эсь тюремас-нон мольфтьезь, фактически Троц-кяень марта блокировандазь, конац тяфта жа преступнайста сязендезе миронь тевтъ. „Левай“ коммунист-ичнень йоткса ульсь аф кржа ста-ма ломанда, конат сяда меле вы-

ступили партиятъ каршес, кода троцкистичне (Пятаков, Радек, Преображенский и лият). „Левай“ коммунистичне мольфтьезь вишке тюрема партиятъ каршес аф ань-цек Брестский мирть заключанда-манц колга кизефксть коряс. Синь выступали тяфта жа пролета-риатт диктатуранц кемекстаманц каршес, социалистический строи-тельствань васень аськолкснень каршес, конатнень тиендезень партияс Ленинон руководстванц ала мирть заключандамода меле.

„Левай“ коммунистичнень Ленин характеризовандазень кода „взбе-сившей мелкой буржуат“. Мелкай собственникнень, конат враждебно относятся пролетарский дисцип-линант, социальная природасна нагляднайста няендезь Бухари-нон и лия „левайхнень“ Ленинон каршес выступленияс социали-стический хозяйствать, трудонь дисциплинать, единоначалиять, тру-донкса сделна пандомать, учетть и контрольт организовандамосот и лия кизефкснень коряс.

VII-це и VIII-це партийнай с'езд-тнень пингста Бухарин выступает партиятъ каршес и Ленинон кар-шес тяфтама важнай кизефксонь коряс, кода партиятъ программац.

Мезьса ащесь партиятъ прог-рамманц колга спорямать сущ-ностец? Бухаринц мярьгсь йор-дамда программатъ эзда товарнай производствать, кризиснень ана-лизсон и полафтомс тьян „чис-тай империализмань“ анализть марта. Бухарин лувондозе, што капиталистический стройть основ-ной противоречиянза (конкурен-циясь, кризисне) империалистиче-ской эпохаста башка капиталистиче-ский странатнень рамкаса „сня-тайхть“. Тяфтама постановкаса ульсь заложеныйхть „организо-ванной капитализмань“ правоопор-тунистический теорият основан-за. Нинге 1917-це кизоня програм-матъ колга дискуссияса Бухарин сьормадсь вов мезе:

„Ингольден раздробленный и аф организованнай капитализмась полафневи организованнай ка-питализмаса. („Спартак“ жур-налса 2-це №-са, 6-це страницаса).

Сяда тов Бухарин видеста кор-хнезевсь меньшевистский тезисти, што капиталистический отноше-ниянь од типсь империализмань эпохаста машфнесыне капиталистический обществать противоре-чиянзон фкя странатъ рамкаса.

„Крушение капитализма“ статьясонза Бухарин путни кизефкс: „Машфнесыне ли капиталистиче-ский отношения тя од типсь ка-питалистический обществать про-тиворечиянзон? Машфнесы ли сон васендакига производствань тя-ниень пингонь способть анархи-янц?“ И, йофси апак смущандакш-нек, отвечай: „Кда ограничендакш-немс аныцек государственнай ор-ганизациян рамкатнень марта, лиякс азомс, капиталистический

отечествань рамкатнень марта, то можна отвечаемс тя кизефксть лангс утвердительнай смысласа“. („Спартак“ журналть 10-це №-са, 6-це страницаса).

Возражандакшнемом „чистай империализмань“ бухаринский те-орият каршес, Ленин кортась партиань VIII-це с'ездса:

„Чистай империализмась капи-тализмань основной базафтома мзярдонга ащезь существованда, косонга аф существовандай и мзярдонга существовандама аф кармай. Тя ащи аф виде обобще-ниякс сембенди сянди, мезе корх-невсь синдикаттнень, картельх-нень, тресттнень, финансовай ка-питализматъ колга, мзярда финан-совой капитализматъ изображан-дакшнесь станя, кода бта сире капитализмань кодамовок осно-ват сонь алонза аш...“

„...Кда сьормадомс программатъ станя, кода йорась Бухарин ял-гась, — тяфтама программась ули аф вернай“⁵⁾.

„Чистай империализмань“ анти-ленинский теорият эзда, конань Бухарин упорнайста отстаивал, кассь „организованнай капитализ-мань“ бухаринский правоопорту-нистический теориясь, конац ти-ендезе сонь раднякс меньшевист-ский II интернационалти.

Бухарин выступил Ленинон каршес программатъ обсуждан-дакшнемста и мелкай крестьян-ский хозяйстватнень эзда капи-талистический элементонь касон-доматъ колга кизефксть коряс-ка.

Мелкособственнический крестьян-ский хозяйствать эзда капита-листический элементонь касома опасность кеместа отрицандакш-неманц эзда можна ниемс „ку-лакть социализматъ мирнайста вьрастаниянц“ колга бухаринский правоопортунистический теорият корявензон, крестьянствать со-циалистический переделканц сонь мартонза отрицандаманц.

Эряви азомс, што партиятъ VII-це с'ездсонза программатъ об-суждандакшнемста Бухарин мярь-гонць азомс пролетарский госу-дарствать немедленный отмирани-янц. Тя предложениясь ульсь со-донф войнатъ пингста сонь эль-биятксонзон марта, мзярда сон вы-ступал пролетариатт диктатуранц каршес. Бухаринон каршес воз-ражандамста Ленин кортась:

„Аноконди азончнемс государст-вовать отмираниянц ули исторический перспективать нарушандамакс“⁶⁾.

Партиятъ VIII-це с'ездсонза прог-рамматъ обсуждандакшнемста Бу-харин выступил Ленинон каршес национальная кизефксть коряс.

Ленин и Сталин разработали большевикнень программнай взгляд-сон, национальная кизефксть кол-га. Тя кизефксть синь лувондозь кода часть пролетарский револю-циян теорият эзда. Ленинско-ста-линский национальная политикаф-тома улель ба невозможнай Вели-кай пролетарский революцият по-бедац, СССР-са социализматъ по-бедац.

⁵⁾ В. И. ЛЕНИН. Сочинениянзон XXIV-це томсост, 131 — 132-це страницатнень эса.

⁶⁾ В. И. ЛЕНИН. Сочинениянзон XXII-цетом-сост, 365-це страницаса.

Пец сай №-са

¹⁾ Ленинский сборник, XIX-це томса, 257 страницаса.

²⁾ Тоса жа, 259 страницаса.

³⁾ В. И. Ленин. Сочинениянзон XXIX-це томсост, 229 — 230-це страницаса.

⁴⁾ В. И. Ленин. Сочинениянзон XXII-це томса, 307-це страницаса.

Дядятне Саранскяень горкомста

ВЛКСМ-нь Х-це С'ездса ВКП(б)-нь ЦК-ть секретарец Андреев ялгась яснайста няфтезень комсомолть политтонафнемаса уликс афсатыкснень. Сон кортась, што:

„Комсомолть йоткса политический воспитанияса работать афсатыксонзон колга корхнефоль аф весть. Синь основноста ащицхь сянь эса, што политучебась и партиянь историянц изучениянц видеста путневихть поверхностьна, пропагандистне кочксевихть афвнимательна, а главнайсь комсомольский организациянц аф работайхть пропагандаистнень марта. Школатнень и кружокнень посещаемостьсна афсатомшка, школава кружкова занятиянц сидеста йотафневихть аф интереснайста, аф фатнесазь од ломаньтнень интереснон.“

Тяфтама афсатыкснень машфтомаснон инкса комсомолть Х-це с'ездоц, а тядя меле ВЛКСМ-нь ЦК-ть II-це пленумоц лихцть конкретнай решениянц, конат комсомольский организациянц афсатыкснень боевой программас од ломаньтнень марксизмань-ленинизмань духса воспитандамаса работасот.

Но Саранскяень комсомолонь горкомти тяфтама уликс указаниенц исть ара законкс, кодамокс синь ащицхь комсомольский организациянцнень.

Горкомть марта йофси юкстафоль Атемаронь средний школань комсомольский организацияса ВКП(б)-ть историянц тонафнемаса кружокс, коса пропагандистокс работай ВКП(б)-нь членц Баскаков ялгась. Сембецтя кружокса 9 комсомолецт и 3 аф союзнай од ломаньт. Посещаемостьсна 80 процентт.

Кружокса тячиень шити йотасть аныцек 4 темат и нянге аф од программать коряс, а тяфтак, ушедозь Кноринонь учебниконц эзда васеньце главать и 4-це главати модемс Работай жа кружокс 4-це ковсь, тя пингть эзда плантть коряс долженоль йотафтомс 12 занятиянц. Няеви, што кружокть 8 занятиянц сязевсть, конань колга комсомолонь горкомонь дядятне мезевок исть сода.

Ня дядятне изь сода сянге, што

слушательне (синь сембень средняй образованиянц) Кноринонь учебниконца башка кодамовок литература аф лувондыхть и фкявок темань и темаста кизефксонь коряс конспект аф вятнихть.

Няда башка пропагандистсь Баскаков сонц политически сокоришиц сюнеда искожандакшнезень большевиконь партиянь троцкизмать каршес героический тюреманы фактонзон.

Сембень тянь колга комсомолецне пачфнест ВЛКСМ-нь горкомти эсь пингстонца, но горкомонь дядятне тя тевть таргазьяк ламос, мекпяли комсомолонь организациясь омбоцеда пачфцтянь колга куляда и аныцек тядя мелени горкомс аф эсь ломаненц кучезе тя школат работанц провьяма и комсомолецненьди лездома, а кучезь кодама-бди Пролетарскяень, кона кода гастролер и усафтома бюрократ кочказень фактнень и сембе, а комсомолецненьди кодамовок лезкс изь макса.

Тя Пролетарскийсь кружокть занятиясовок изь уле вестьке и башка комсомолецнень мартовок изь корхне, сяс комсомолонь горкомть бюросонца, коса кулцондозь кружокть работанц колга Баскаковть, сон мезевок пятай изь аза. Сон ашезе аза тяфтама фактть, кода Баскаковсь фкя занятияса слушательть кизефксонц каршес отвечаать вастс мярьгсь: „козунистикой тядя занимадакшне“.

Баскаковсь кода калдяв пропагандист кемокснени нинге тяфтама фактса:

Кизефксти—„кодама тема йотаде мекольденц занятиясонтт и кодама литература темать коряс лувоть тоныц Ленинонь произведениянзон эзда?—Баскаковсь отвечась:

Студенкатне тонафнихть отличнайста

Саранскяень Мокшэрзянь фельдшерско-акушерский школаса, студенткатне Бакшаева, Судакова и Елистратова ялгатне тонафнихть аныцек отличнайста.

Нят ялгатне вятихть школаса

— Тя темать коряс лувонь Ленинонь произведениянзон эзда народничествать колга... Кода произведениянь лемоц—аф лятф-таса.

Сонь слушателенца конспект аф вятихть и тя аф случайно. Аф случайно сяс, што Баскаковсь сонц изь мярьгонде тейст конспектонь вятемда. Сон кортась ВЛКСМ-нь горкомть бюроса:

„Ули специальнай правительственной путфкс, коса сьормадф, што средний школань ученикнень йоткса сембе кружокнень эса аф эривихть вятемс кодамовок лишней записць сянкса, штоба максомс возможность тейст сядя цебарьянц тонафнемаснонды...“

Кизефтемс Баскаковть кода тейнза аф визькс шава-вастс васькафнемода, клеветадондама—правительствать лангс.

Калдяв ся, што ВЛКСМ-нь горкомонь дядятне изь сода Баскаковть работанц и кирьдезь сонь пропагандистский работаса мяккафта кизот. Сембе сонь работама пингстонца кивок ВЛКСМ-нь горкомста изь корхне мартонца, изь кизефне кодане сон работай, а ВЛКСМ-нь ЦК-ть секретарец Файнберг ялгась эсь статьясонца „пропаганда—главнайсь комсомолть работаса“ сьормадсь, што: „Пропарандистне решадакшнесазь комсомолецнень политический образованиянц успехонц. Теест эриви макссемс эрь шинь внимания, лезкс и поддержка эсь ответственной работасот. Инь цебарь пропагандистнень опытнон эриви келиста популяризовандамс и поощрядакшнемс.“

ВЛКСМ-нь горкомти эриви сргоземс эсь офтонь удоманц эзда. Малаянц шаштомс пропагандистнень работаснонды.

Ив. Васькин.



„Русалка“ оперась Мокшэрзянь балетонь государственнай театрать постановкаса.

НИМКАСА: Арганов артистсь мельникть рольса.

ФОТОСЬ ИВАНОВГЬ

Физкультурань тевсь моли цебарьста

Саранскяень Мокшэрзянь фельдшерско-акушерский школаса, мекольденц пинть пях вишкомсь физкультурнай работась.

Аф кунара 17 студент получасть ГТО-нь значокт, конат максозь значоконь норматнень 1937-це кизоне.

Физкультурань тевсь моли цебарьста сяс, мес тя тевти путни пях оцю мяль физкультурань преподавательсь С. С. Кубанцев ялгась.

И. Белов.

СИРЕ НРАВТНЕ ОД ШКОЛАСОТ

Сире—Теризморга велеса, аф-полнай средний школаса пях лама безобразияда. Ученикнень йоткса аф вятеви кодамовок воспитательнай работа.

Ученикне вяцазь эсь пряснон кода школаса, станя жа и ульцяса пях калдявста.

4-це „А“ классонь ученикне керсихть фкя-фкянь орхт, врыгатьнихть фкя-фкянь сельмос, ласькондихть партатнень ланга и валондыхть фкя-фкянь черниласа.

Аф кунара школав сувасть симоме колхозницат. 5-це классонь ученикне тгратдь колхозницатнень марта.

Тяда башка ученикне фкя-фкянди мярьгондихть аф цебарь валхт.

Тяста няеви, што учительне аф вятихть ученикнень йоткса кодамовок воспитательнай работа.

Мзярда машфтовихть нят безобразиянц, нят пахабщинанц минь школастонок? Мзярда кармаихть работам Теризморгань учительне стане, кода эриви работамс советский учительть?

Ученик.

Мезенкса пачазь ярмакнень?

Кулдум велень аф полнай средний школаса физкультурань преподавателькс лувондови П. Н. Каратаев ялгась. Каратаевсь аф вяти физкультурань урокт, а зарплата получай эрь ковне.

РОНО-ти эриви варжактомс тя безобразиянц лангс и ладямс физкультурань тевть преподаваниянц минь школасонк. М. Н. Шайговань р-н.

Зубунь ВЛКСМ-нь райкомть работань стилец

1. Райкомть пленумонц путфксонц лядсь кагод лангс

„Правдась“ эсь передовой статьясонца мартть 6-це шистонца сьормадсь:

„Партиянь уставонц нарушениянц колга основной опасностсь, кона лифтьф ВКП(б)-нь ЦК-ть пленумсонца ся, што руководящай партийнай работникне могут нолдамс отрыв массатнень эзда, кой-кона партработникне могут шаркстомс бюрократокс и может синь сатомс партийнай массатнень инголя контрольтема шись“.

„Правдась“ тя указания марнек относится комсомолть работанц. Тя предупреждениясь, эриви азомс, мушенды васта Зубунь комсомолонь райкомть работаса.

Зубунь райкомсь и сонь секретарец Калядин эсь работань практикасост грубайста нарушандакшнесазь ВЛКСМ-нь уставть. Минь тячи йоратама няфтемс райкомть работань фкя участканц, тя райкомонь пленумть работанц. Вов топодьсь киза, кода йотасть перевыборхне и райкомть фкя кизонь работамань пингстонца ульсь йотафтф пленумонь заседанияда аныцек фкя. Тяста цебарьста няеви, што райкомть бюроцгрубайста

нарушандакшнезе комсомолонь уставть. Уставсь веши, што райкомсь должен йотафтомс пленумонь ниле заседаниянц эрь кизоня. Райкомонь пленумсь бюроть работанц марта не руководил и бюрось и райкомонь секретарьсь Калядин мезе йорасть, сянь тие-ницть.

Вов минь инголенок пленумть единственной заседаниянц протоколоц. Тяс пленумонь члентне аф калдявста лифтезь бюроть и работамань аф сатыксонзон, но бюроть и сонь секретаренцты Калядинти нят лифтьф афсатыкснесть ара урокок. Пленумть постановлениянц ульсь сьормадф и лязь кагод лангс. Пленумсь мярьгоньць ковонь кувалма пингста ладямс комсомолецнень йоткса политтонафнемать. Ладямс пропагандаистнень марта работать. Пленумсь кемоста азозе сянь, што райкомсь мезевок изь тиенде военно-технический норматнень максомаснон колга. Ладямс комсомольский хозяйствать и цебарьста ладямс подросткань школатнень работаснон.

Мезе тийсь райкомсь, штоба пяхкодем пленумть решениянзон? Пятай мезевок аш. Мянть тячинь

оцю общественной работа. Отличнайста тонафнеманкса и цебарьста общественной работань вятеманкса аф кунара дирекциясь казезень нят ялгатнень 40 цалковайса кажнайть.

Белов.

Тяста лац няеви кода йотафнени Зубунь райкомса комсомольский дисциплинась, комсомольский демократиясь. Тяста цебарьста няеви, што Калядин эсь прянц лувсы сядя вяр, чем пленумсь. Калядин няфтезь эсь прянц руководителкс, конац эсь прянц лувсы единицакс а лядыкснень сембень нулькс. Мезьса ина можна азомс ся положениянц, што сон аф пяхкодкшнесыне пленумть решениянзон.

Райкомть работаса сембе вастса ноляви нарушения комсомолонь уставти. Районнай конференциясь путозе, што пленумонь членда должен улемс 35. Аф ваномоктянь лангс райкомонь аппаратчикне эсь кооптированиянц методдосот пленумонь составть касфтозь 37 ломаньц. Синь пленумста 8 туфчлентнень васц кооптировадасть 10 члентт.

Няйф, што Зубунь райкомсь грубайста кирьфнесыне комсомолецнень праваснон.

РУЗАЕВКАНЬ ЧИНОВНИКНЕ

Рузаевкань райОНО-ть руковод- стван политически сокор шинц марта пользовандамок, районца учи- тельствать сплоченный рядонзонды сувсесть классово-чуждайхть, по- литически разложившай ломаньт Нат: Пишлян школаса—Абдра- шитовсь, Яковщина школаса—Мироновсь, Болдунов школаса—Беспаловсь, Мокшень Пишляса—Пантюхинась.

Нят эсь действияснон коряс клас- сово-чуждай ломаньтне школат- нень эса вятсь разлогательский работа. Пуропность пьянкат (Абдра- шитовсь), вятсь издевательский отношения стириватнень-учитель- ницатнень лангса, вихцода синь за- ставакшнесь половой сожителест- вас Яковщинаса Лазаревсь. Сем- бе тяфтама тейне ульсь направ- леннайхть воспитательнай работат и учебнай процессть сязендемас- нонды. Райононь чиновникне тяф- тама фактнень анычек регистриро- вандакшнесь. Кодамовок мерат синь машфнемаснон инкса исть прима.

Тянка Мокшень Пишляса учи- тельница Пантюхинась контрре- волюционной действиянка работа- ста валхтомондза меле, кучф ра- ботама Турксли, Пишлять коряс сядонга фталу лядф вели, коса аш комсомольский и партийнай орга- низацият. Кучеком тя вели Пантю- хинать—райОНО-сь макссь тейнза возможность вятес эсь разлога- тельский работанц.

РайОНО-сь кодамовок выводт изь тие сян эздовок, што Пантю- хинать инкса, кода мяргондихть ащесь „горой“ школань дирек- торсь Игошинась. Сян вастс, што- ба лездомс комсомольский орга- низацияти Пантюхинать сядонга лянгу лихтемасонза, и лездомс организацият работанцты, Иго- шинась арелакшнесь и кяшендесе Пантюхинать работанц. Сон по существу макссесь теенза указа- ният, штоба сон — Пантюхинась сядо лацкас маскировандалезе эсь разлагательский контрреволю- ционнай работанц.

Пантюхинать, фкя контрреволю- ционнай корхнемадонза меле, кона ульсь директорть Игошинать пинт- ста и сон тейнза мяргс: „Танюша... смотри осторожно, а то за та- кие разговоры—снимут с рабо- ты и...“

Но Игошинать тяфтама указа- ниянза классовой врагты исть лез- да. Школань комсомольский орга- низациясь курок лихтезе лангу Пантюхинать разлагательский кон- трреволюционной работанц.

Сяс, мяс комсомольский органи- зацият эзда Игошинати изь кя- шев и ареляв „Танюшанц“ работац, и тяфтама арелякшнематнень инк- са профсоюзнай пуромкса комсо- молец-учительхнень марта Иго- шинась кеместа критиковандафоль и максфоль теенза выговор, то тяда меле Игошинась ушедсь вя- теме открытай ганения комсомо- лец-учительхнень лангс. Основ- ниятума макссесь выговорхт (Боя- ркинати, Мироновти, Куркинти), конатнень колга синь содама кар- масть анычек атесстационанай ко- миссияса. Тяда башка Игошинась ученикнень и колхозникнень йотк- са дискредитировандакшнесь учи- тельхнень.

Игошинать наглостец сатсь мянх тоза, што макссь районоти ульти- матум. Сон вешсь, штоба школа- ста валхтолезь работаца Курки- нть, Мироновть (комсомолец) и надинть (ВКП(б)-нь член). Но рай- онось тяфтама наглай вешематнен- дивок изь максса соответствующай оценка, изь тие синь эздост эря-

викс вывод.

Тяфтама вешематнень марта терьдфоль райОНО-нь заведую- щайть Учаевть Пишлян школав сашендомац, коса тя усафтома бюрократсь сире пингонь чинов- никокс „ванозе“ тевть, обозвал школань учителень коллективть „склочниконь“ валса и тусь сон кинь мартовок учительхнень эзда изь корхне, сембе тевть лоткафтозе анычек школань директорть марта корхнемат лангс. Риконь пред- седательсь Макиевскийсь тяфта- жа ульсь тя школаса, но мезевок изь тие.

Тяфта чиновникокс тевть ванон- дозь райононь руководителхне сяс, што Игошинась ащи РИК-онь президиумса членкс, сон служеб- ной положенианц марта пользован- дамок люпштазе критикать, лезды классовой врагтненьди и сембе ме- тодса сязендсы авторитетснон учительхнень комсомолецнень и коммунистнень. Пользовандамок сян марта, што учительхне одт, работаса аш оцю опытсна, Иго- шинась регистрировандакшнесьне уликс афсатыксснон и тиенди теест подсиживаният, а райононь руко- водителхне, кода няеви, кирьне- сазь директорть ширенц. Тяста логически лисенди вывод, што райОНО-ть и РИК-ть эсовок люп- штаф, изьзе зане эсь вастонц кри- тикась и самокритикась.

Тяфтама безобразиятненьди шир- день наблюдателькс арась комсо- молонь райкомське (секретарсь— Титовсь). Сон анычек регистриро- вандазень фактнень. Кизефтемс, кие макссесь комсомолонь райкомти прават лоткамс анычек сян лангс, што Пантюхинать валхтфтозь рай- оноть кяцта, кона кучезе сон лия вели, а комсомолонь организациясь школаса кодамовок выводт изь тие. Политзанятият йотафневихть

аф регулярнайста, пионер рабо- тась ВЛКСМ-нь ЦК-ть омбоце пленумонц решениянзон коряс йофси апак ладяк, стениань газета школаса ноляви аф регулярнайста, успеваемостьсь и посещаемостьсь школаса пяк йомлат.

Тядонга возмутительнайкс арси ся, што Яковщинаса ламос ульсь ВЛКСМ-нь райкомонь политучебань отделть заведующаец Адушкияц, но школаса безобразиятнень лангс изь шарфта кодамовок мяль, сон изезе няе, што аферистсь Лазаревсь вихцода таргсезе половой сожителествас комсомолкать учи- тельница П...ялгати, конань сон симнесь винада и изнасиловандазе, тяда меле сонць аферистсь Лазаревсь ушедсь тя преступнай фактть азондчнемонза велеть келес, но азондчнесь аф сонць, а школань директорть и лия учительхнень вельде, конатнень марта Лазаревсь марса симончнесь, а учительница- ти мяргсь, „кда тон азондат и жалбат, то шафте“.

Тяфта учительницась пачфтоль сянди, што сон кафкть тиендсь эсь эряфонц лангс покушения и ащесь Болдунов больницаца. Тянь колга сон макссь комсомолонь райкомти заявление, но райкомса, кода и райОНО-са улихть усаф- тома бюрократт, максось тя зая- леният народнай следовательти Рыжковти, кона, кода подобает Рузаевкань чиновникненьди, тевть пезонза исце пачфте. Сон тяфтама тевть лувозе „кода обыденнай фактонь“ и лоткафтозе.

Сембень тянь эзда няеви, што тевсь лядонды ВКП(б)-нь райкомть и комсомолонь обкомть мельга, пади синь сядо курок лездыхть Рузаевкань чиновникнень марта ноляви безобразиятнень лоткафго- маснонды.

Ив. В.



Ташкентса ингольден сире ошть территориянц лангса, кудса, кона револю- цияда инголи ульсь козинь—торговецень, панжевсь Г. А. Икрамовть лемса пионе- ронь и октябреноконь дворець филиалоц.
СНИУКАСА: Г. А. Икрамовть лемса пионеронь и октябреноконь Ташкент- ский дворець филиалонза сувамась.

Фотось В. Нензешевть.

Ученикне вешихть

Ельникавонь районца М. Пашад велеса ученикнень йоткса йофси аф йотафневи работа СССР-нь Конституцият и Сталин ялгати доклатуонц тонадчнемаснон инкса.

М... ученикс тейнек сьрмады: „...Од Конституцият колга минь мезевок иземе куленде... Кивок сонь колганза тейнек изь азондчне мезевок. Библиотекаса, коса ули лама литература и ули кода тоса лувомс Конституцият ломаньти эстиенза, минь тоза аф нолнесамазь... Лездт тя тевса тей- нек „Комсомолонь вайгяль“...“

Ученик.

РЕДАКЦИЯТ ЭЗДА.

„Комсомолонь вайгяль“ газе-

Учтама лезкс ВЛКСМ-нь обкомть ширьде

Сарга велень комсомольский ор- ганизациясь юкстазе ВЛКСМ-ть уставонц. Тяса комсомолецне ме- зевок аф тиендихть, штоба кепе- демс синьнень политобразованияс- нон. Авдь ВЛКСМ-нь уставсь кор- тай, што комсомолецненьди эряви тонафнемс Марксонь, Энгельсонь, Ленинонь и Сталинонь ученияснон и азончнемс марксистско-ленин- ский ученият од ломаньтненьди.

Сентябрьть 1-це шистонза су- васть комсомолу 7 ломаньт, но комсоргсь Ф. Ф. Алякин ялгась синь юкстазень. Нят од комсомо- лецне, тячить самс ащесь по- луча комсомольский документт.

Комсомолецне ламоксть якасть ВЛКСМ-нь райкомть секретарен- цы Фенин ялгати, но сон аф шарфни кодамовок мяль нят аф сатыкснень лангс.

Учтама лезкс ВЛКСМ-нь об- комть эзда.

Пьянзин.

Шайговань р-н.

Аф работайхть допризывникнень марта

Саранскяень электростанцияса допризывникнень шири апак шарфтт общественной и руко- дящей организациятнень мяльсна.

Аф сембе допризывникненьди тифт эрявикс документ, а ламос- нонды апак сьормадт политичес- кий и производственной характе- ристикат.

Призывникнень йоткса лама сьормас аф содайда, но школав синь эздост кайхть анычек каф- та ломаньт.

Горонось кодамовок лезкс сартэцень допризывникнень йот- кса сьормас аф содамать мафто- манц инкса изь макссе и аф эряс- кады тянди.

Кой-кит допризывникнень эзда нуждандайхть лечениянь пяльде, но теест тясовок аф макссези эрявикс лезкс.

Призывникнень анычек пеледа кржасна йотасть военно-полити- ческий подготовка. Синь эздост анычек 4 ломаньт получасть ГСО-нь и ПВХО-нь значект. Осо- авиахимонь организациясь мезе- вок тя тевса аф тиенди.

М. Т.А.С.С.

— 000 —

Аш клубонь заведующай

Сире—Теризморга велеса, кол- хознай клубса, тячить самс аф вя- теви кодамовок культурно-массо- вой работа. Тя сяс, мес аш клу- бонь заведующай.

Минь надьятама районоть лангс, што сон курокоя кучи минь клубознок заведующай и максы лезкс культурно-массо- вой работат вишкотеманцты.

В. Каргин.

Шайговань р-н

— 000 —

Нюрхкеняста

Оборонань народнай комиссарть Советский Союзонь маршалть К. Е. Ворошилов ялгати приказонц коряс РККА-нь сембе сухопутнай военной школатне (пехотнайхне, кавалерийскийхне, артиллерийский- хне, бронетанковойхне, техниче- скийхне и специальнайхне) лемдфт военной училищакс.

Ответ. редакторсь С. С. ЛАРИОНОВ.

Уполномоч. главлито № Д—32. Заказ № 904. Тираж 2113

Саранск типография „Красный Октябрь“ Мордгиза